

## პრეს-რელიზი

**ტოიოტა მოტორ კორპორეიშენი** იწყებს თავისი ინტელექტუალური საკუთრების დაცვის აქტიური ღონისძიებების განხორციელებას საქართველოში, რაც დაკავშირებულია კონტრაფაქციულ ავტო ნაწილებზე და აქსესუარებზე **ტოიოტა მოტორ კორპორეიშენის** კუთვნილი სასაქონლო ნიშნების უკანონო გამოყენებისა და, აგრეთვე, აღნიშნული სასაქონლო ნიშნების სავაჭრო ობიექტებზე აბრის სახით არასანქცირებული განთავსების აღკვეთასთან.

**ტოიოტა მოტორ კორპორეიშენი** არის ისეთი საყოველთაოდ ცნობილი სასაქონლო ნიშნების მფლობელი როგორებიც არის **TOYOTA, LEXUS, LAND CRUISER, COROLLA, CAMRY, HILUX, RAV4** და სხვა. **ტოიოტა მოტორ კორპორეიშენის** ეს და სხვა სასაქონლო ნიშნები კანონით დადგენილი წესით დაცულია საქართველოში, მათი საქპატენტში რეგისტრაციის გზით და მათზე განსაკუთრებული უფლებები ეკუთვნის **ტოიოტა მოტორ კორპორეიშენს**.

**ტოიოტა მოტორ კორპორეიშენი** მიიჩნევს, რომ ინტელექტუალური საკუთრების უფლებების დაცვა წარმოადგენს ნებისმიერი ცივილიზებული ეკონომიკური სისტემის განუყოფელ ელემენტს. სასაქონლო ნიშნების დაცვის ღონისძიებები, უპირველეს ყოვლისა, მიმართულია საქართველოში მომხმარებელთა უხარისხო ავტო ნაწილებისა და აქსესუარებისგან დაცვისაკენ, სამომხმარებლო ბაზარზე ამჟამად არსებული კონტრაფაქციული საქონლის წილის ჯერ შემცირების, ხოლო უახლოეს მომავალში სამოქალაქო ბრუნვიდან სრულად ამოღების გზით.

**ტოიოტა მოტორ კორპორეიშენი** კონტრაფაქციული ავტონაწილებისა და აქსესუარების საქართველოში უკანონო იმპორტთან ეფექტურად ბრძოლის მიზნით, უახლოესი ორი კვირის განმავლობაში მიმართავს შემოსავლების სამსახურს, რათა მისი კუთვნილი სასაქონლო ნიშნები შეტანილ იქნეს შემოსავლების სამსახურის ინტელექტუალური საკუთრების ობიექტების რეესტრში და მათ მიმართ დაიწყოს დაცვის სასაზღვრო ღონისძიებების გატარება. აღნიშნული განხორციელება **ტოიოტა მოტორ კორპორეიშენის** წარმომადგენლის, იურიდიული კომპანიის შპს “მიქამე, გეგეჰკორი, თაქთაქიშვილი”-ს განცხადების საფუძველზე. აღნიშნული ქმედების შედეგად და “ინტელექტუალურ საკუთრებასთან დაკავშირებულ სასაზღვრო ღონისძიებათა შესახებ” საქართველოს კანონზე დაყრდნობით, შემოსავლების სამსახურის საბაჟო დეპარტამენტი უფლებამოსილი იქნება გამოიყენოს ინტელექტუალური საკუთრების უფლებების დაცვასთან დაკავშირებული სასაზღვრო ღონისძიებები, რაც გულისხმობს საქართველოში იმპორტირებისათვის განკუთვნილი ისეთი კონტრაფაქციული ავტონაწილებისა და აქსესუარების შეჩერებას, რომლებზეც უკანონოდ არის დატანილი **ტოიოტა მოტორ კორპორეიშენის**

სასაქონლო ნიშნები და მათი გადაადგილება საქართველოს საზღვარზე იწვევს სამოქალაქო, ადმინისტრაციულ ან სისხლის სამართლებრივ პასუხისმგებლობას.

**ტოიოტა მოტორ კორპორეიშენმა** დეტალურად შეისწავლა და გაანალიზა კონტრაფაქციული ავტო ნაწილებისა და აქსესუარების საქართველოში იმპორტირებასთან დაკავშირებული გარემოებები. აღნიშნულზე დაყრდნობით **ტოიოტა მოტორ კორპორეიშენმა** მიიღო გადაწყვეტილება, ერთი მხრივ, წინამდებარე პრეს-რელიზის საჯარო გავრცელების შესახებ, ხოლო მეორე მხრივ, კონტრაფაქციული საქონლის რეალიზაციით დაკავებული მეწარმეების მაქსიმალურად დიდი რაოდენობის წერილობითი გაფრთხილების შესახებ, რათა ამ უკანასკნელთ მიეცეთ სამოქალაქო ბრუნვიდან კონტრაფაქციული საქონლის ამოღებისათვის საჭირო გონივრული ვადა და კონტრაფაქციული საქონლის იმპორტირების მიზნით აღარ შეუკვეთონ მათ უცხოელ მომწოდებლებს ასეთი საქონელი. ანალოგიური წერილობითი გაფრთხილება, აგრეთვე, დაეგზავნება იმ მეწარმეებს, რომლებიც უნებართვოდ იყენებენ **ტოიოტა მოტორ კორპორეიშენის** სასაქონლო ნიშნებს სავაჭრო ობიექტების შესასვლელზე და ვიტრინებზე აბრების დანიშნულებით და მიეცემათ გონივრული ვადა ამ დარღვევის აღმოსაფხვრელად.

იმავედროულად, იმ მეწარმეებს, რომლებიც ახდენენ ან მოახდენენ **ტოიოტა მოტორ კორპორეიშენის** ადგილობრივი ოფიციალური დისტრიბუტორებისაგან შექმნილი ნამდვილი (ორიგინალური) საქონელის რეალიზაციას, **ტოიოტა მოტორ კორპორეიშენი** უფლებას რთავს სავაჭრო ობიექტებზე, ინტერნეტ გვერდებზე, საქმიან ბარათებზე, სარეკლამო ბროშურებში, საგაზეთო და სხვა სახის რეკლამებში გამოიყენონ სიტყვიერი სასაქონლო ნიშნები TOYOTA და LEXUS, აგრეთვე, მათი ქართული ვერსიები (ტოიოტა, ლექსუსი). ამასთან, აღნიშნული სასაქონლო ნიშნების გამოყენების წესის შესახებ დეტალური ინფორმაცია მოცემულია თანდართულ გზამკვლევაში, რომლის გაცნობაც სასარგებლო იქნება ყველა დაინტერესებული პირისათვის.

**ტოიოტა მოტორ კორპორეიშენი** მიმართავს მისი ავტონაწილების და აქსესუარების ერთგულ მომხმარებლებს და სურს მათი ყურადღება გაამახვილოს იმ გარემოებაზე, რომ კონტრაფაქციულ საქონელთან ბრძოლა და სამოქალაქო ბრუნვიდან ასეთი საქონელის სრულად ამოღება მოითხოვს გარკვეულ დროს, რის გამოც **ტოიოტა მოტორ კორპორეიშენი** არ გამორიცხავს საბოლოო შედეგის მიღწევამდე ბაზარზე კონტრაფაქციული საქონლის მოხვედრის შესაძლებლობას. აღნიშნულის გამო და მომხმარებელთა კანონიერი ინტერესებისა და უსაფრთხოების დაცვის მიზნით, **ტოიოტა მოტორ კორპორეიშენი** თხოვს მომხმარებელს, რომ ავტო ნაწილებისა და აქსესუარების შესაძენად მიმართოს შპს „**ტოიოტა ცენტრი**

თბილისს“ (მისამართი: დ. აღმაშენებლის ხეივანი მე-20 კილომეტრი, ქ. თბილისი. ტელ.: +99532 252 20 22) და შპს „ტოიოტა ცენტრი თეგეტას“ (მისამართი: უნივერსიტეტის ქ. 6, ქ. თბილისი. ტელ.: + 99532 229 20 00), რომლებიც წარმოადგენენ ტოიოტა მოტორ კორპორეიშენის ოფიციალურ დისტრიბუტორებს საქართველოს ტერიტორიაზე, რადგან ოფიციალური დისტრიბუტორებისაგან საქონლის შეძენისას მომხმარებელი მიიღებს ასი პროცენტით ნამდვილ (ორიგინალურ) საქონელს, გარანტიას შეძენილ პროდუქციაზე და მომსახურების მაღალ ხარისხს.

შენიშვნა:

შპს “მიქაძე, გეგეჭკორი, თაქთაქიშვილი” არის იურიდიული კომპანია, რომელიც ოფიციალურად წარმოადგენს ტოიოტა მოტორ კორპორეიშენის ინტერესებს ინტელექტუალური საკუთრების დაცვის საკითხებში საქართველოს ტერიტორიაზე.

შპს “მიქაძე, გეგეჭკორი, თაქთაქიშვილი”

ლუბლიანას ქ. 11,

მე-2 სადარბაზო, ოფისი 38,

0159, თბილისი, საქართველო

ტელ.: (+995 32) 2 611308;

(+995 32) 2 611309

ფაქსი: (+995 32) 2 953928